

Oqaluuserisassanut nassuiaat

(Inatsisartut Siulittaasuata)

Issiavinnit assiliisoqaqqusaananilu filmiliortoqaqqusaanngimmat aallarniutigalugu eqqaasitsissutigissavara.

Immikkoortut ataatsimoortillugit oqaluuserineqarneranni oqaaseqartartut tulleriiaarnerat nalinginnaasoq malinneqassaaq. Tassa immikkoortut 56-ip aamma 75-ip ataatsimoortillugit oqaluuserineqarneranni oqaaseqartartut tulleriiaarnerat nalinginnaasoq malinneqassaaq. Aammali immikkoortoq 105-ip oqaluuserineqarnerani ilaasortat siunnersuutaannut atatillugu oqaaseqartartut tulleriiaarnerat nutaaq malissavarput, tassani Siumut siulliulluni oqaaseqaateqassaaq.

Oqaluuserisassani immikkoortut pingasut siullermeerneqarnissaasa kinguartinneqarnissaannik Naalakkersuisut Siulittaasuata qinnuteqaataa Siulittaasoqarfimmit akuerineqarpoq. Qinnuteqarnermut pissutaavoq Naalakkersuisut Siulittaasuata 2025-mi ukiakkut ataatsimiinnerup pilersaarusiorneqarnerani siumut naatsorsuutigineqarsinnaasimanngitsumik angalanera.

Immikkoortoq 91, marlunngornermi ulloq 7. oktober oqaluuserineqartussatut pilersaarutaasoq, kinguartinneqarpoq ullorlu oqaluuserineqarfissaa nutaaq kingusinnerusukkut nalunaarutigineqarumaarpoq.

Immikkoortut 145 aamma 147, sisamanngornermi ulloq 9. oktober ataatsimoortillugit siullermeerneqartussatut pilersaarutaasut, kinguartinneqarput ullorlu oqaluuserineqarfissaat nutaaq kingusinnerusukkut nalunaarutigineqarumaarpoq.

Ilaasortat uku akornanni taasisarnerit pillugit isumaqatigiissuteqartoqarpoq: